



PARA peserta merakamkan kenangan sempena kejohanan itu.

# Nurul Ayunni juara Boling Terbuka UMS

UB 9.11.2016 A15

KOTA KINABALU: Nurul Ayunni Junaidi muncul juara bagi kategori Individu Terbuka pada Kejohanan UMS 10-Pin Bowling Knockout Challenge anjuran Kelab Boling Universiti Malaysia Sabah (UMS) di CPS Bowl, Centre Point Sabah, pada Ahad.

Beliau berjaya mengutip 268 jatuhan pin sekali gus mengetepikan pesaing terdekatnya Mohd Ezze Dzulfirry yang meraih 219 jatuhan pin.

Kejayaan itu membolehkan Nurul Ayunni membawa pulang hadiah wang tunai RM2,000 berserta trofi kemenangan, sementara Mohd Ezze menerima RM1,200.

Dengan jumlah sebanyak 203 jatuhan pin,

tempat ketiga disandang Azami Inal untuk menerima hadiah wang tunai RM500.

Bagi kategori wanita, pemenangnya disandang oleh pemain boling harapan UMS Kamisah Husin disusuli Daisy Tsen dan dan Winnie Leong di tempat kedua dan ketiga.

Majlis penyampaian hadiah disempurnakan Pengerusi Kelab Boling UMS Awang Suhaizam Bungso.

Kejohanan sehari sempena Majlis Konvokesyen UMS ke-18 itu disertai 52 pemain boling dari sekitar Kota Kinabalu.

Hadir sama pengurus kejohanan Francisca Mosilinus, Timbalan Pengurus 1 Izham Abu Bakar dan Timbalan Pengurus 2 Razaky Mapalabong.



NURUL Ayunni (tengah), Mohd Ezze (kanan) dan Azami (kiri) mengambil gambar kenangan bersama hadiah yang dimenangi.